

攝於香港國安法而解散的「香港眾志」前秘書長、亂港分子黃之鋒（河童），自去年6月預着3宗官司6宗控罪，但私生活一樣「多采多姿」，更被揭拖女豪歡五星級酒店。今日出版的最新一期《東周刊》封面故事報道指，黃之鋒上周三（9月30日）涉非法集結提堂前，四次發文指自己仍要接受海外媒體訪問，催促「支持者」課金支持，但另一邊廂，黃之鋒拖女伴到五星級酒店歡聚22小時。黃之鋒昨日在社交平台隻字不提有關報道，反拿「國安」作擋箭牌，聲稱一向拒向傳媒透露私生活，免成為國安部門的情報。

香港文匯報記者 蕭思源

黃之鋒因去年10月5日涉嫌參與非法集結一案，上周三在東區裁判法院提堂。有媒體爆料稱，黃之鋒在上庭前安排了一場「精彩節目」，就是攬女去五星級酒店吃喝玩樂，盡興22小時後才到法庭報到。

《東周刊》昨日在預告報道中指，上月29日拍攝到戴鴨舌帽、身穿T恤短褲的黃之鋒，帶同女伴到九龍站上蓋一間五星級酒店，吃喝玩樂盡興22小時後才到法庭報到，至翌日才由酒店到法庭就非法集結案上庭。黃之鋒上庭前還假惺惺四次發文強調，自己仍要接受海外媒體訪問，並張貼收款連結，催谷所謂的「支持者」課金支持。

被指愛高消費豪玩豪食

報道形容「黃之鋒平日熱衷在社交網站打卡，但今次爆房之旅卻隻字不提」。報道又引述知情人指，正在不斷消費被捕或逃往海外「手足」的黃之鋒，私生活十分逍遙，而且不乏高消費活動，甚至還參加遊艇派對。

不少市民表示，黃之鋒拿着「手足」的錢，卻是和子女瀟灑玩樂，「這些『手足』需要醒醒了，你們不過是被人利用的棋子！」

拿「國安」擋箭迴避質疑

黃之鋒昨在社交平台貼文中講述近期被人跟，沒有正面回應有關報道，聲稱自國安法立法以來，他接受傳媒訪問時，一概不談家人、女友、親戚等私人生活，不論傳媒作出任何指稱，他也無意再回應，只盼盡可能減少對身旁的人的影響。因任何傳媒訪問透露的資訊，也有可能成為國安部門的情報。他又為自己的「重點不在於生活時做甚（什）麼，而是每多一個身邊的人上鏡和曝光，國安監控就會更為容易。我相信不少手足，應該會明白我的意思。」

河童拖女五星酒店爆房22小時

上庭前四度發帖催課金 消費「手足」揮霍白肥



黃之鋒與女伴光顧五星級酒店。



《東周刊》封面報道黃之鋒拖女爆房。網上圖片

【城一區報報導】黃之鋒（河童）與女伴於上週三（9月30日）上庭前，四度發帖催谷「支持者」課金支持，但另一邊廂，黃之鋒拖女伴到五星級酒店歡聚22小時。黃之鋒昨日在社交平台隻字不提有關報道，反拿「國安」作擋箭牌，聲稱一向拒向傳媒透露私生活，免成為國安部門的情報。



黃之鋒聲稱俾警方及國安部門跟蹤，但就有關車牌打格，被網民質疑。黃之鋒fb截圖

錯把娛記當國安 屈警跟蹤轉視線

特稿

成年人有性需要就正常，大方承認反而可以免卻尷尬，但河童（黃之鋒）嘔日被網民追問爛陣，就對爆房嘅報道置若罔聞，反而出咗個post 呻自己俾好多架車跟蹤，仲咬定「跟蹤者」一定係警方或國安部門，結果唔少網民都揶揄，嗰啲所謂「跟蹤者」可能都係唔同媒體娛樂記者，亦有心思細密嘅網民話，既然河童早前公開過《大公報》記者嘅全名手機號碼，點解仲要將跟蹤嘅車牌車牌打格呢？

早啲幾個月前已經有唔少攞炒分子聲稱被國安部門「跟蹤」，不過河童就嘔日先嚟講自己俾人「跟蹤」咗10日，而且出post 嘅時間緊貼《東周刊》嘅facebook推post 嘅時間，真係非常巧合。

嗰篇寫1,600多字嘅文章結尾，河童稱自己身為公眾人物，只要身邊多一個人曝光就容易俾國安「監控」，所以唔能夠公開自己同旁人嘅生活日常。言下之意，即係默認拖女爆房。

可能因為河童唔敢坦承回應，加上報道話佢拖住女仔係舊愛嘅閨蜜，所以今次盲撐河童嘅網民少咗好多，「Cho Man Lai」仲話：「之鋒係咪好驚俾記者影到佢帶女去五星級酒店爆房？一陣發現一腳踏幾船都唔定？」

「Hilbert Chan Hiu Lok」就突破盲點：「其實點解要打格？公開車牌啦。」「David Lam」亦好疑惑：「你之前都公開過大公記者個手機同名啦，點解車牌打格，你唔公開我唔點幫你？而且車牌號碼不是私隱，不需打格仔。」「Charlotte Tang」就回覆：「話唔定佢都知係娛記，驚得狗仔隊界（俾）人影得俾俾利。」

「米之蓮」就覺得河童做法唔合邏輯：「漢奸黃之鋒，俾人跟蹤唔去報警？係自己個Facebook自我幻想？」

「Yan Ying Lun」就話：「跟蹤你嘅仲有報紙雜誌、網媒娛記！」「Zhenya Alena」就單刀直入：「有妄想証（症）就睇醫生，跟蹤你都覺得浪費時間！」「Oscar Kwok」就建議：「啲娛記叫犀利影到你爆房，你應該全天候俾佢哋跟，咁警方捉你都大把人影到啦！」

陳澤滔問點解唔去「黃店」

除咗河童幻想被跟蹤，其他攞炒分子嘅思想亦非常新穎，好似「東九龍社區關注組」發言人陳澤滔就介意點解河童唔係去「黃店」爆房：「你老×爆房唔去逸東？邊忽『黃』？改名叫『藍之鋒』啦！」中文大學學生會前常務幹事黃于喬就話：「嘩，真係大新聞呀，成年人有伴侶，仲會去酒店？」

不過點講都好，每個人都有自己嘅私生活，只係河童阿爸黃偉明係一個基督徒，如果自己個仔有婚前性行為，唔知佢又點睇呢？

香港文匯報記者 兩航

「黃絲」納粹上身 區員「黃店」變「綠」即插

「黃絲」成日抹黑警察，甚至詛咒警察屋企人，但事實上佢哋都知唔可行。近日社交媒體傳出一張屯門區議員江鳳儀參與音樂警訊探訪活動嘅嘅，驟眼睇個活動冇乜問題，但有「黃絲」發現原來江鳳儀係嚟自成日話要「反警暴、止警誑」嘅民協。佢呢次「黃」加「藍」轉「綠」嘅舉動，唔止令到「黃絲」群起聲討，仲逼到民協幾乎同佢割席。

江鳳儀赴警訊活動被鞭屍

有見「黃絲」群情洶湧，民協嘔日睇facebook 話事前唔知江鳳儀參加呢個活動，但佢哋會「強烈關注」事件，要求江鳳儀「交代詳情」，甚至有「進一步行動」嘅。民協又重申徹查「警暴」係一貫立場，希望各成員以後參加警方活動時「務須慎重」嘅，呢啲叫「民主派」囉，審查成員出席咗活動好出奇咩？

民協幾乎賣咗個隊友，但「黃絲」網民依然唔收貨，仲趁機將多年嚟對民協同江鳳儀嘅不滿爆晒出嚟。「Ronnie Ip」就話：「失

蹤議員，平時只會嘍Banner（橫額）見到佢個樣，佢唔影呢張相都唔知原來佢仲在生。住咗十幾年友愛，一次都未見過佢本尊。」

「Hannah Wmb」就覺得係民協管理不善：「呃左（咗）幾十年人工呀！你地（哋）仲放佢出嚟（嚟）參選！仲要影張咁嘅（嘅）相，呢次你地（哋）唔唔佢出民協係對唔住選民！」「Caesar Lam」亦好不滿：「馮檢基係咩料民協咩咩料囉，一早就『純（統）戰』左（咗）啦！」

「黃店」貼張繼聰相被狙擊

政治人物瀟灑，「黃店」都唔例外。近日，「黃店」「文化屋雜貨店」就貼出藝人張繼聰、謝安琪嘅相，佢哋嘅相嚟宣傳，結果即刻俾「連登」網民狙擊，事關兩個藝人一直冇表明政治立場，加上張繼聰細佬係警察，所以啲網民就大鬧「黃店」唔好因為追星發花癲。《輔仁媒體》總編輯容樂其就寸啲「黃店」「黃絲」得把口，咬牙切齒咁話「黑警死全家」都係講完就算，「張繼聰細佬仲有無做警察？」

不過，所謂物極必反，有啲「黃絲」都終



近日網上流傳一張民協區議員江鳳儀（右五）參加警方活動嘅嘅，搞到民協同「黃絲」幾乎同佢割席。民協fb截圖

於頂唔順班「黃納粹」。「隱世村民」就反問係咪做生意都唔呀，「請到店主本人就係『藍絲帶』、打×『抗爭者』咩？無人幫襯就夠晒『黃』？」「Marcus Mo」亦話：「文化屋又『黃』又『本土』又擰年輕人，咁都想分化？有本錢咩？你去幫襯米po 你張相囉，你唔幫襯都唔好分！」

香港文匯報記者 兩航

王進洋執自己手尾竟當政績

網議政事

原來解決自己製造嘅問題都係政績？自稱「城管」嘅離島區議員王進洋，繼驅逐非法聚賭而被「同路人」批評協助政府執法後，前日又話會清理露宿者嘅家當，結果俾網民指責同街坊、弱勢社群對幹。王進洋其後呻冤，話自己曾多次協助露宿者搬走，點知對方得寸進尺仲賴死唔走，為令街坊經過隧道時唔使再聞露宿者嘅臭臭味，但決定親自「解決問題」，結果即被網民打臉，事關呢個「禍」係王進洋惹返嚟。

「包養」露宿者釀地區問題

王進洋為咗合理化佢「趕離」露宿者嘅行為，喺facebook 貼返晒佢由年初至今幫呢位露宿者Ravi嘅點點滴滴，強調Ravi因警察、社工同區議員主動協助已變到貪得無厭，所以佢先要「解決問題」。王進洋睇Ravi 嘅時候亦不忘抬高自己，講到自己全數資助Ravi 飲酒食煙同開飯，而且不求還人情債。

唔少網民都讚王進洋勇於解決社區問題，



網民批評王進洋先係Ravi（下圖右）賴死唔走嘅元兇。王進洋fb截圖

「Chan Wing Wayne」仲話：「東涌有你真幸福！」葵青區議員周偉雄就妄想症發作：「有冇問過法律意見？小心被親家（建制派）逃掉個街友，出面告你盜竊及侵犯私隱，請慎重處理！」

不過都有唔少網民睇唔慣王進洋嘅行為，「Joe Chan」就貼返王進洋初初接觸Ravi 嘅合照：「一早就叫你咪×幫佢，惹到佢長住呢度」「你惹既（嘅）禍，麻煩快d（啲）搞返佢，唔該晒！」

網民批拖大半年先解決

「Papuwa Akira」就話：「點解佢地（哋）從未主動叫D（啲）5（唔）戴口罩GE（嘅）叔伯大爺戴口單尼（呢）？E+（啲）最應該先做GE（嘅）5（唔）去做！」「Max Li」亦話：「咪係，應該嘅又唔做，唔應該做嘅就齊齊，家陣你自己拾（執）返啲手尾始終影響咗人，要解決就今年1月個（啲）陣解決，拖咗大半年先動手，仲要個個係（啲）度讚，咩世界？」「Anna Wong」就話：「睇開啲，啲啲就係幾萬蚊人工一個月嘅效率囉。」

香港文匯報記者 兩航

龍門連執兩店 吸乾「黃圈」割禾青

網議政事

被稱為「人血龍門」嘅「黃店」龍門冰室，嘔日睇facebook 宣布尖沙咀嘅Cafe 同紅磡嘅分店執笠，仲講明之後「有機會再縮窄業務範圍」，「會開始大幅改革人事制度，務求短時間內令餐廳的財務狀況變得穩定健康」未必能如以往般幫助太多「手足」嘅。

有「龍粉」即刻哭喪話係「飲食界最黑暗嘅一日」，但亦有人話龍門咁難食就預咗執笠，仲寸佢：「集中火力做好其餘分店食物質素仲好。」

經營不善賴被刁難抹黑

「人血龍門」嘔日睇facebook 出結業啟事，話佢哋尖沙咀同「龍門Cafe」同紅磡同「龍門冰室」要執笠。過去一年逆市擴張到8間、甚至貴四成租金開分店嘅「人血龍門」，自己做唔掂就開始賴人哋，話疫情影響、食材貴、業主唔減租、政府「故意刁（刁）難」佢哋唔放保就業基金、被「無理抹黑」，所以佢哋「開始捱不住」嘅。

「人血龍門」又藉住執笠嘅嘅情時刻，扮偉大話自己「一直不敢告急」，因為知道有好多小店仲捱緊，同時又講盡醜話，話「未來或有機會再縮窄業務範圍」，又話自己「短時間內或許未必能如以往般，幫助太多『手足』了」，仲話可能係以前「幫得太盡」，先搞到自己「焦頭爛額」嘅。之前收咗「黃絲」咁多錢「幫手足」，廠家真係過咗海就神仙嘞。

唔少「龍粉」見狀都齊齊哭喪。「Thiago Li」話：「這是香港飲食業最黑暗的一天。」「Oscar Siu」亦話：「希望大家唔好被人分化到啦，撈下龍門啦！」

網民：改善食物質素仲好

不過，亦都有唔少人早就頂唔順「人血龍門」。「Jacky Chan」寸龍門話：「集中火力做好其餘分店食物質素仲好。」「Suki Wong」亦揶揄：「個個星期都話做好本業，個個星期都話整好的（啲）野（嘢）食……你唔覺煩我都覺煩。」

「楊子龍」就質疑龍門：「啲錢用嚟廣告『手足』？定之前入錯口單唔夠錢找數？仲有，月餅有貨拎未？你三日唔理兩日就出啲話邊個邊個又屈你嘅Post，你都仲夠膽寫『不敢告急』？香港人真係好好呢……」

「Kim Choy」就開始Fact-check（查證）龍門嘅言論，貼出佢過往告急嘅post 話：「邊個話龍門一直不敢告急……」佢又發現龍門個個執笠啟事原來改過嚟，原本話政府「拒絕發放補助金」，後來先改口話係政府「故意刁（刁）難」。

「Kim Choy」話：「其實唔好成日講大話，用心做好本業仲好啲。」「Kit Cheung」亦附和：「咁即係到底有冇申請到保就業基金？」

部分人仲鬧龍門死到臨頭扮扮嘢。「Jedi Hon」話：「收水啦。扮黃！」「Stephanie Wan」亦反問：「自己話自己幫左（咗）好多人唔會好奇怪嗎？」

香港文匯報記者 甘瑜